

न वेपसा न तन्यतेन्द्रं वृत्रो वि बीभयत् ।
 अभ्येनं वज्रं आयसः सहस्रभृष्टिरायतार्चन्ननु स्वराज्यं ॥ १२ ॥
 यद्वृत्रं तव चाशनिं वज्रेण समयोधयः ।
 अहिमिन्द्र जिघांसतो दिवि ते बद्धधे शवोऽर्चन्ननु स्वराज्यं ॥ १३ ॥
 अभिष्टने ते अद्रिवो यत्स्था जगच्च रेजते ।
 त्वष्टा चित्रव मन्यव इन्द्र वेविज्यते भियार्चन्ननु स्वराज्यं ॥ १४ ॥
 नहि नु यादधीमसीन्द्रं को वीर्या परः ।
 तस्मिन्मृणमुत क्रतुं देवा ओजांसि सं दधुरर्चन्ननु स्वराज्यं ॥ १५ ॥
 यामथर्वा मनुष्यिता दध्यङ् धियमलन्त ।
 तस्मिन्ब्रह्माणि पूर्वथेन्द्र उक्थ्या समग्मतार्चन्ननु स्वराज्यं ॥ १६ ॥

८१

इन्द्रो मदाय वावृधे शर्वसे वृत्रहा नृभिः ।
 तमिन्महत्स्वाजिषूतेमेभे हवामहे स वाजेषु प्र नोऽविषत् ॥ १ ॥
 असि हि वीर सेन्योऽसि भूरि पराददिः ।
 असि दभस्य चिद्वृधो यजमानाय शिष्यसि सुन्वते भूरि ते वसु ॥ २ ॥
 यदुदीरत आजयो धृष्णवे धीयते धना ।
 युद्ध्वा मदच्युता हरी कं हनः कं वसौ दधोऽस्माँ इन्द्र वसौ दधः ॥ ३ ॥
 क्रत्वा महौ अनुष्वधं भीम आ वावृधे शर्वः ।
 श्रिय ऋष्व उपाकयोर्नि शिप्री हरिवान्दधे हस्तयोर्वज्रमायसं ॥ ४ ॥
 आ पप्रौ पार्थिवं रजो बद्धधे रोचना दिवि ।
 न त्वावाँ इन्द्र कश्चन न जातो न जनिष्यतेऽति विश्वं ववक्षिष्य ॥ ५ ॥
 यो अर्यो मर्तभोजनं पराददाति दाशुषे ।
 इन्द्रो अस्मभ्यं शिष्यतु वि भजा भूरि ते वसु भक्षीय तव राधसः ॥ ६ ॥
 मदेमदे हि नो ददिर्यूथा गवामृजुक्रतुः ।
 सं गृभाय पुरु शतोभयाहस्त्या वसु शिशीहि राय आ भर ॥ ७ ॥